

Поём велегласно и косно, на глас 6:

Господи Сил, с нами бу - ди, и - но - го бо раз - ве Те - бе

по мощника в скорбех не и - ма - мы: Гос - по - ди Сил, по - ми - луй нас.

Хвалите Бога во святых Его, хвалите Его во ут - верже - ни - и си - лы Е - го.



Господи Сил, с нами бу - ди, и - но - го бо раз - ве Те - бе

по мощника в скорбех не и - ма - мы: Гос - по - ди Сил, по - ми - луй нас.

Стих 2: Хвалите Его на силах Его, хвалите Его по множеству величества Его.

Господи сил, с нами буди:

Стих 3: Хвалите Его во гласе трубнем, хвалите Его во псалтири и гуслех.

Господи Сил, с нами бу - ди, и - но - го бо раз - ве Те - бе

помощника в скорбех не и - ма - мы: Гос - по - ди Сил, по - ми - луй нас.

Стих 4: Хвалите Его в тимпане и лице, хвалите Его во струнах и органе.

Господи сил, с нами буди:

Стих 5: Хвалите Его в кимвалех доброгласных, хвалите Его в кимвалех восклицания: всякое дыхание да хвалит Господа. Господи сил, с нами буди:

Стих 1: Хвалите Бога во святых Его, хвалите Его во утверждении силы Его.

Господи сил, с нами буди:

Слава:/ Господи, аще не быхом святыя Твоя имели молитвенники, / и благостыню Твою милующую нас:/ како смели быхом Спасе, пети Тя, / Егоже славословят непрестанно Ангели;// Сердцеведче, пощади души наша.

И ныне:/ Многая множества моих, Богородице, прегрешений,/ к Тебе прибегах, Чистая,/ спасения требуя./ Посети немощствующую мою душу,/ и моли Сына Твоего и Бога нашего, / дати ми оставление, яже содеях лютых,// едина Благословенная.

Медленнее:

Всесвятая Богородице,/ во время живота моего не остави мене, / человеческому предстательству не ввери мя:// но Сама заступи, и помилуй мя.

Все упование мое на Тя возлагаю,/ Мати Божия,// сохрани мя под кровом Твоим.